

陸放翁詩鈔


龍

柳田文庫

文庫11

D 220

3



文庫 11
D 220
3



放翁先生詩鈔

清 周之麟 雪蒼

全選

日本

中野正興子興

全校

柴升 錦川

山本謙

公行

七言律下

舊識姜邦傑於亡友韓无咎許近屢寄詩來且以
无咎平日倡和見示讀之悵然作此詩附卷末

溪
本作嚴州
贈姜梅山

故人玉骨已生苔謂南澗公邂逅逢君亦樂哉湖寺繫舟無
夢去京塵馳騎有詩來醉中不敢教兒誦看處常須浴
手開久矣世間無健筆相期力斡萬鈞回



010190556692

舟中大醉偶賦長句

過江何敢號高流，偶與俗人風馬牛。畫楫新搖巖瀨月，清樽又醉戴溪秋。壯心無復在千里，老氣尚能橫九州。古寺試求三丈壁，為君驅筆戰蛟虬。

新晴泛舟至近村偶得雙鱖而歸

秋風一夜老汀蘋，剝曲稽山發興新。青嶂曾為身後塚，扁舟聊作畫中人。園林搖落知寒早，父老逢迎覺意真。歸舍不妨成小醉，眼明細柳貫霜鱗。

宿監中偶作

流落歸來兩鬢絲，此生真媿北山移。數殘官漏寒無寐，

開盡梅花病不知。同舍破甘醒宿酒，故人折簡索新詩。生涯可笑清如許，任是京塵撲馬時。譚德稱有簡催和詩

新晴馬

一劍飄然萬里身，白頭也復走京塵。畫樓酒旆滴殘雨，綠樹鶯聲催暮春。絕塞勒回勳業夢，流年換盡市朝人。此生安得常強健，小艇相湖自采蓴。

入省

點點輕花墮綠盃，翩翩羸馬犯黃埃。眼邊好句等閒過，夢裏故人時一來。玉塞請行狂故在，霜髭自照老相催。今朝涼冷文書少，隱几南窗聽轉雷。

野興

紅飯青蔬美莫加，鄰翁能共一甌茶。
舍西日紫花房斂，港北風生柳脚斜。
筇杖不妨閒有伴，茆簷終勝老無家。
自驚七十猶強健，采藥歸來見暮鴉。

杭州夜歸

昔如架上九秋鷹，今似窗間十月蠅。
無復橐韃思出塞，不妨粥飯略同僧。
白蘋洲晚初回櫂，綠樹村深已上燈。
莫謂陶詩恨枯槁，細看字字可銘膺。

初夏郊行

小硯孤吟恐作愁，長堤曳杖且閒遊。
破雲山屐千螺翠，

經雨波涵一鏡秋。
杙妝青紅村步，市闌干高下寺家樓。
去年此日君知否，十丈京塵沒馬頭。

蝸廬

小葺蝸廬便著家，檣籬莎徑任欹斜。
爲生草草僧行脚，到處悠悠客泛槎。
孤蝶惜衣晴曝粉，穉蜂貪蜜晚爭花。
有書嬾讀吾堪愧，睡起何妨自磴茶。

故山

功名莫苦怨天慳，一櫂歸來到死閒。
傍水無家無好竹，卷簾是處是青山。
滿籃箭茁瑤簪白，壓擔稜梅鶴頂殷。
野興盡時尤可樂，小江烟雨趁潮還。

鏡湖

同疑權

落磻泉奔舞玉虹護丹松老臥蒼龍霜柑籬角寒初熟
野碓雲邊夜自春挈榼人沽村市酒打包僧趁寺樓鐘
幽尋自是年來嬾枉道山靈不見容雲門

偶懷小益南鄭之間悵然有賦

西戍梁州鬢未絲，嶓山漾水幾題詩。劔分蒼石高皇迹，
蟠冢廟傍有高皇試劔石中分如截巖擁朱門老子祠。三泉道上有老燒君洞景趣幽遠
兔驛亭微雪，夜騎驢棧路早梅。時登臨不用頻，悵斷未
死安知無後期。

東關

路入東關物象奇，角巾老子曳筇枝。蠶如黑蟻桑生後

秧似青鍼水滿時，穿市不嫌微雨濕。過谿翻喜壞橋危，
當年野店題詩處，又典春衣具午炊。

信步近村

端問何以永今朝，拈得筇枝度野橋。三畝空園喧啄木，
十尋高樹絡凌霄。長飢未必緣詩瘦，多悶惟須賴酒澆。
興盡歸來又陳迹，一林風葉莫蕭蕭。

舟過梅塢胡氏居愛其幽邃為賦一詩

稽山翠入家家窗，此家清絕無與雙。丹葩綠樹錦繡谷，
清波白石玻璃江。一堤茂草有眠犢，數掩短籬無吠龍。
北軒商略可散髮，借與放翁傾酒缸。

村居初夏

天遣為農老故鄉，山園三畝鏡湖傍。
嫩莎經雨如秧綠，小蝶穿花似繭黃。
斗酒隻雞人笑樂，十風五雨歲豐穰。
相逢但喜桑麻長，欲話窮通已兩忘。

自東涇度小嶺聞有地可卜菴喜而有賦

小嶺西南煙水間，頗聞有地百弓寬。
誰其二云者，兩黃鵠何以報之。
雙下盤竹鳥未昏，先曉暖蓮汀當暑。
亦清寒一菴何口，從吾好會約高人共倚闌。

遣懷

許國區區不自勝，秋風空羨下鞦韆。
膺青雲夜歎初心誤，

唐本集作管

白髮朝看一倍增，積債有時歌易水。
孤忠無路哭昭陵。

唐制有免者許哭昭陵下頭顱自揣今如此，尚欲閒尋紫閣僧。
陳希夷奇錢官靖復抱紫閣僧相之

以事至城南書觸目

十里西風吹帽帶，江城衣杵遠猶聞。
路如劒閣逢秋雨，山似爐峯鎖暮雲。
原上老翁眠犢背，籬根小婦牧羊羣。
百錢且就村場醉，舌本醇醪莫苦分。

戲咏閒適

暮秋風雨暗江津，不下書堂已過旬。
鸚鵡籠寒晨自訴，狸奴羶煖夜相親。
典衣旋買修琴料，叩戶時聞請藥人。

說與鄉鄰當賀我，死前長作自由身。

散吏

拜賜明時散吏名，頭銜字字敵冰清。
讀書有味聊忘老，賦祿無多亦代耕。
笠澤尊鱸秋向晚，緱山笙鶴月微明。
人間樂事今真得，莫恨摧頽白髮生。

沽棗西酒小酌

棗西小店酒新篘，一醉今朝覺易謀。
從曠劫來俱有死，出青天外始無愁。
功名未許妨高臥，風月猶能賦遠遊。
造物向人元不薄，卷簾萬頃鏡湖秋。

戲咏閒適

剡曲稽山是故鄉，人言景物似瀟湘。
三升花露春壺滿，八尺風漪午枕涼。
樹合綠陰山鵲鬧，盆鋪紫石水梔香。
回思烏帽京塵客，始覺幽居白日長。

愛閒

愛閒惟與病相宜，壯歲懷歸老可知。
睡熟素書橫竹架，吟餘犀管闌銅螭。
水芭蕉潤心抽葉，盆石榴殘子壓枝。
堪笑放翁頭白盡，坐消長日事兒嬉。

秋興

老子雖貧未易量，風流猶在小茆堂。
蒲萄錦覆桐孫古，鸚鵡螺斟玉滃香。
千點荷聲先報雨，一林竹影剩分涼。

秋來便有欣然處，新種蓴絲已滿塘。

秋雨不止排悶

放翁愁坐，茆齋裏泥潦連村，不得行。夜夜濕星占雨候，時時老木送秋聲。小詩旋錄，兼行草薄酒新篘，任濁清。身世正如萍在水，略無根柢也能生。

晚眺

秋晚閒愁抵酒濃，試尋高處倚枯筇。雲歸時帶雨數點，木落又添山一峯。鳴雁沙邊驚客艣，行僧烟際認樓鐘。箇中詩思來無盡，十手傳抄畏不供。

初冬

已罷彈冠欲挂冠，一菴天遣養衰殘。雨荒園菊枝枝瘦，霜染江楓葉葉丹。萸金帶鱗烹白小，蓬門和蔓繫黃團。夕陽更動閒遊興，十月吳中未苦寒。

感舊

憶從南鄭入成都，氣俗豪華海內無。故苑燕開車載酒，名姬舞罷斗量珠。浣花江路青螭舫，槎柳球場白雪駒。回首壯遊真昨夢，一竿風月老南湖。

鏡湖一名南湖

山行

七十衰翁短鬢與，藥瓢藤杖伴清閒。平生惡路羊腸阪，晚歲羸軀飯顆山。一寸塏餘青靄外，數聲鐘下翠微間。

往來處處皆奇絕莫道先生興盡還

夏日晚興

高掛虛窗對綠池鳥啼聲歇柳陰移
含風珍簟閒眠處
豐雪輕衫新浴時
泉冷甘瓜開碧玉
手香素藕骨
長絲夕陽四面漁歌起
又赴隣翁把釣期

骨本集作骨

戲咏山陰風物

萬里秦吳稅駕遲
還鄉已歎鬢成絲
城邊綠樹山陰道
水際朱屏夏禹祠
項里楊梅鹽可徹
太白梁國吟云玉盤楊梅為君設吳
鹽如花皎白雪不知楊梅酸
湘湖蓴菜鼓偏左
蓴菜最者乃薦以鹽佳品未嘗用也
所謂未下鹽鼓者言下鹽鼓則非
羊酪可敵蓋盛言蓴菜之美爾
圖經草草常堪恨
好

圖本集注作圖

事他年采此詩

雨中作

野外偏於看雨宜
映空渡水細如絲
川雲借潤支琴石
澗水分流洗藥池
未肯高眠成老態
却緣危坐得新詩
悠然更坐鄰丁喜
漸近收蕎下麥時

更坐本集作更助

野興

水作縠紋微起伏
天如卵色半陰晴
偶來竹下擔頽坐
却向藤陰曳杖行
西垓人喧荻船過
東村燈上緯車鳴
幽居應接真無暇
莫訝經年嬾入城

閒趣

老子卽今雙白鬢鏡湖自古幾青山半窗蘿月獨欹枕
滿院松風常掩關天地許寬誰礙汝琴尊是處可開顏
將行亦莫買春草幸有一筇相伴閒

題湖邊旗亭

春色初回杜若洲佳人又典鷓鴣裘八千里外狂漁父
五百年前舊酒樓渡口遠山顰翠黛天邊新月挂瓊鈎
回頭笑向紅塵說也有閒愁到此不

遊鄞

晚雨初收旋作晴買舟訪舊海邊城高帆斜挂夕陽色
急艣不聞人語聲掠水翻翻沙鷺過供厨片片雪鱗明

山川不與人俱老更幾東來了此生

新闢小園

人生如意每難全草草園池却自然世事已拋高枕外
春風常在短筇前墮空花片紛紅雨徧地苔痕長綠錢
酒戶漸增詩興在天容此老剩狂顛

西戍歸來鬢已霜生兒又過乃翁長眼明身健殘年足
飯軟茶甘萬事忘學廢僅能書姓字客來嬾復倒衣裳
山園寂寂春將晚酷愛幽花似蜜香

東軒嫩日上疏櫺吹盡浮雲作意晴林暝牆頭雙鵲語
水清池面小魚行畦添藥品誰能別架引藤陰忽已成

倚杖怡然便終日，老夫那復不平鳴。

園中小飲

此老胸中萬頃寬，小園幽徑日追歡。寧教酒欠尋常債，
恥就人求本分官。高柳陰濃煙欲暝，時月桂發花紅濕露初溥。
方盛開要知澤國年光晚，已過清明尚淺寒。

早秋

落魄巴江號放翁，斯名歲晚亦成空。酒醒遙夜孤舟雨，
睡美清秋一榻風。駭浪千重無死地，神丹九轉有新功。
雲端不遇飛仙過，誰顧幽人寂莫中。

閒中

閒中高趣傲羲皇，身臥維摩示病牀。活眼硯凹宜墨色，
長毫甌小聚茶香。門無客至惟風月，案有書存但老莊。
問我東歸今幾日，坐看庭樹六番黃。

冬夜戲書

將挂衣冠彊小畱，期年畢竟是歸休。青釭獨擁欺霜夜，
濁酒頻傾洗客愁。鶴影冷翻丹井月，雁聲遙帶玉關秋。
一生自笑閒中過，不爲功名也白頭。

園中對酒作

僂僂衰翁雪滿顛，愛花耽酒似當年。雖無錦障七十里，
也有青銅三百錢。數掩竹籬分小徑，一泓沙井貯寒泉。

栽紅接白，株株活坐擁春工大半權。

病思

賣劍還山學老農，不堪衰與病交攻。將軍閉戶方鋤菜，處士攜家欲賃舂。殘齒疆留終脆，病腰扶拜苦龍鍾。壯遊誰信梁州日，大雪登城望夕烽。

閒中富貴

要信人生各有緣，閒中富貴亦關天。綠窗靜對千梢竹，翠竇新疏一脉泉。愛百衲琴常鎖匣，買雙鈎帖不論錢。箇中得意君知否，不換金貂與玉蟬。

雨霽春色粲然喜而有賦

應接年光老漸慵，猶能一飲百分空。半霑蝶粉簾櫳雨，遠送鶯聲巷陌風。千縷曲塵楊柳綠，萬枝猩血海棠紅。從來造物陶甄手，却在閒人詩句中。

山園雜詠

殘春終日在林亭，散髮披衣醉復醒。科斗已成龜閣閣，櫻桃初結子青青。魚遊滄海寧濡沫，禽慕雕籠卽翦翎。薄晚東風吹小雨，笑攜長鏡伴畦丁。

春夏之交風日清美欣然有賦

日鑄珍芽開小缶，銀波煮酒湛華觴。槐陰漸長簾櫳暗，梅子初嘗齒頰香。戶戶祈蠶喧鼓笛，村村乘雨築陂塘。

本集
作麴

年光何預衰翁事，伴蝶隨鷺也解狂。

閒中書事

長本集
作常

病過新年逐日添，清愁殘醉兩厭厭。惜花萎去長遮日，待燕歸來始下簾。堂上清風生玉麈，澗中寒溜注銅蟾。一生留滯君休歎，意望天公本自廉。

一畝山園半畝池，流年忽速挂冠期。賣花醉叟剝紅桂，種藥高僧寄玉芝。午枕為兒哦舊句，晚窗畱客算殘碁。登庸策免多新報，老子癡頑總不知。

感昔

五丈原頭秋色新，當時許國欲忘身。長安之西過萬里

北斗以南惟一人，往事已如遼海鶴。餘年空羨葛天民，腰間白羽凋零盡。却照清溪整角巾。

野堂

姓名無復世人聞，靜處何妨獨策勳。久矣不堪東閣客，歸哉無媿北山文。橫牀霜近有丹葉，平野雨餘多斷雲。更喜鷓鴣來漸熟，一溪烟水與中分。

秋思

人生四十歎頭顱，久矣心知負壯圖。未死皆為開日月，無求儘有醉工夫。風凋木葉流年晚，秋入窗扉病骨蘇。信步出門湖萬頃，季鷹不用憶尊鱸。

勝本集
作林

雨夜有懷張季長少卿

放翁雖老未忘情，獨臥山村每自驚。
鼎鼎百年如電速，寥寥一笑抵河清。
梅初破，蕙行江路燈欲成。
花聽雨聲，正用此時思劇飲，故交零落愴餘生。

歲暮

案間官曆喜更端，鬢畔羅旛巧耐寒。
篩辣搗香菊臘酒，染紅絲綠簇春盤。
衰容未覺餘年迫，佳日猶思一笑歡。
太息兒童癡過我，我鄉儻雖陋亦爭看。

早春

數聲屋角聽鳴禽，紅糝青梢忽滿林。
雨過東臯一犂潤

冰消南澗半篙深，逢僧竹院閒評藥。
攜鶴山村醉擁琴，青史功名黃閣貴。
有時應不到如今。

丙辰上元前一日

敝裘破帽髮鬍髯，宛似山房講罷僧。
身病不禁連夜雨，家貧只挂舊年燈。
修椽柳外掀樓角，危檻雲間露塔層。
自笑閒遊本無定，興闌隨處倚枯藤。

幽居初夏

藤冠草屨病支離，門外紛紛百不知。
解箨有聲驚倦枕，飛花無力點清池。
閒思舊事惟求醉，老感流年只自悲。
綠樹陰中紅練起，一團零亂溼胭脂。

六月二十四日夜分夢范至能李知幾尤延之同
集江亭諸公請予賦詩記江湖之樂詩成而覺忘
數字而已

露箬霜筠織短蓬，飄然來往淡煙中。偶經菱市尋谿友，
却揀蘋江下釣筒。白菡萏香初過雨，紅蜻蜒弱不禁風。
吳中近事君知否，團扇家家畫放翁。

七月二十四日作

閒拂青銅一惘然，此生應老海雲邊。涼颺入袂詩初就，
幽鳥呼人夢不全。天上鵲歸星渚冷，月中桂長露華鮮。
射胡羽箭凋零盡，坐負心期四十年。

蓬本集
同恐蓬
誤
江本集
作汀

秋雨初霽試筆

墨入紅絲點漆濃，閒將倦筆寫秋容。雨聲已斷時聞滴，
雲氣將歸別起峯。斜日半穿臨水竹，好風遙送隔城鐘。
遠遊更動輕舟興，太息何人解見從。

春行

九日春陰一日晴，強扶衰病此閒行。猩紅帶露海棠溼，
鴨綠平堤湖水明。杜子美曉看紅溼處，花重錦官城。李太白蜀江紅且明，用濕字明字，可謂奪造化之功。世未有拈出者。酒賤柳陰逢醉臥，土肥稻壟看深耕。山翁莫道渾無用，解與明時說太平。

七十三吟

七十二年事事新，涵濡幸作六朝民。髮無可白方爲老，酒不能賒始覺貧。末路已悲身是客，此心猶與物爲春。柴門勿謂常岑寂，時有鄉鄰請藥人。

舍北行飯書觸目

落雁昏鴉集遠洲，青林紅樹擁平疇。意行舍北三叉路，閒看橋西一片秋。小婦破烟撐去艇，丫童橫笛喚歸牛。形容野景無餘思，自怪癡頑不解愁。

初春欲散步畏寒而歸

峭寒漠漠入重貂，酒力欺人凝不消。春困苦多無處賣，客魂欲斷倩誰招。一溪水淺梅枝瘦，四野雲酣雪意驕。

欲到前村無奈嬾，却尋歸路度西橋。

讀書

讀書肝膽尚輪囷，蠹簡堆中著此身。飽識三千餘歲事，已爲七十四年人。鏡中衰鬢難藏老，海內虛名不救貧。只欲從今都掃盡，剩沾春酒答新春。

連日至梅仙塢及花涇觀桃花抵暮乃歸

千載桃源信不通，鏡湖西塢擅春風。舟行十里畫屏上，身在西山紅雨中。俗事挽人常故故，夕陽歸櫂莫匆匆。豪華無復當年樂，爛醉狂歌亦足雄。

東窗小酌

烏帽翩僊白苧涼，東窗隨事具杯觴。流年不貸世人老，造物能容吾輩狂。藤葉成陰山鳥下，檜花滿地蜜蜂忙。何人畫得農家樂，咿軋縑車隔短牆。

夏日

將雛燕子漸離巢，過母龍孫已放梢。日出並湖初曬網，雨餘乘屋旋添茅。家貧舊業元知廢，身老微官久合拋。莫恨門前車馬絕，豈無農圃與論交。

露坐

立秋前五日

旋削甘瓜進酒卮，斷雲漠漠斗離離。北臨積水風來壯，東恨長林月上遲。秋近不堪聞急杵，夜涼已復怯輕絺。

天孫老抱河梁恨，豈獨人生事可悲。

秋思

身似麗翁不出家，一窗自了淡生涯。山薑零落初成子，石竹淒涼半吐花。寒澗挹泉供試墨，墮巢篝火喚煎茶。掩關本意君知否，兩耳衰年不耐譁。

豐歲

豐歲驩聲動四鄰，深秋景氣榮如春。羊腔酒擔爭迎婦，鼉鼓龍船共賽神。處處喜晴過甲子，家家築屋趁庚申。老翁欲伴鄉閭醉，先辦長衫紫領巾。

遣興

放翁詩集
轍迹當年遍九州，晚歸始解臥林丘。愛身每戒玉抵鵲，養氣要如刀解牛。柔艣搖殘天鏡月，短筇領盡石帆秋。儘言未辦常扃戶，竟是吾身得自由。

龜堂獨酌

幅巾蕭散餞餘齡，江左諸賢可乞靈。護枕小屏圖紫閣，映牕矮卷寫黃庭。曠懷與世元難合，幽句何人可道聽。一酌蘭溪遺萬事，時看牆底臥長瓶。
偶得蘭溪十餘樽，清醇醖烈殆不可名。

菴中獨居感懷

無錢溪女亦留魚，有雨東家每借驢。藜粥數匙晨壓藥，

松肪一碗夜觀書。黃紬被暖閒無厭，白布衫長樂有餘。南陌東阡春事動，放翁作計未全疎。

春日小園雜賦

市塵不到放翁家，繞麥穿桑野徑斜。夜雨長深三尺水，曉寒留得一分花。悶從隣舍分春瓮，閒就僧窗試露芽。自此年光應更好，日驅秧馬聽縑車。

題菴壁

孤村寂寂潮生浦，小院昏昏雨送梅。蔬食一簞宜面槁，畏塗九折自心灰。古人骨朽有書在，今雨泥多無客來。故髮陽狂非寄傲，世間萬事本悠哉。

陳阜卿先生爲兩浙轉運司考試官時秦丞相孫
以右文殿修撰來就試直欲首送阜卿得予文卷
擢置第一秦氏大怒予明年旣顯黜先生亦幾蹈
危機偶秦公薨遂已予晚歲料理故書得先生手
帖追感平昔作長句以識其事不知衰涕之集也
冀北當年浩莫分斯人一顧每空羣國家科第與風漢
天下英雄惟使君後進何人知大老橫流無地寄斯文
自憐衰鈍辜真賞猶竊虛名海內聞

書喜

已向煙霞著脚深世間萬事不關心舊攜鴉觜供鉏藥

新典魚須用買琴井上引藤初滿架池南移竹漸成陰
話行不必須今日五百年間有賞音

八月九日晚賦

薄晚悠然下草堂綸巾鶴氅弄秋光風經樹杪聲初緊
月入門扉影正方一世不知誰後死四時可愛是新涼
從今覓醉其當勉酒似鷺兒破殼黃

秋晚

西山破曉兩眉青南浦無風一鏡平食盡不容添鶴口
身閒且免負鷗盟霜前草樹已無色雨到菰蒲先有聲
只怪勝遊頻入夢今朝蜀客話青城

故人范中立巨山
自青城來見訪

新治暖室

小堂穩暖紙窗明，低幌圍爐亦已成。日閱藏經忘歲月，時臨閣帖雜真行。詩才退後愁酣戰，酒量衰來喜細傾。從此過冬那復事，夜深時聽雪來聲。

歲晚

無窮世事浩難量，歲晚沉綿臥草堂。短褐坼圖移曲折，故書經蠹失偏傍。賣刀擬買春耕犢，挾筴曾亡舊牧羊。點檢生涯還自笑，萊畦殘葉帶新霜。吳中冬
歲常茂

齋中弄筆偶書示子聿

左右琴樽靜不譁，放翁新作老生涯。焚香細讀斜川集

候火親烹顧渚茶，書為半酣差近古。詩雖苦思未名家，一窗殘日呼愁起。裊裊江城咽暮笳。

退居

溪煙漠漠奕棊軒，篔簹水潄潄種藥園。醫為疾平新掃跡，客知睡美罕敲門。談餘白拂懸牀角，飲散空樽臥壁根。賜帛更蒙優老詔，此生何以報君恩。比有詔書賜致仕
官羊酒粟帛丁寧
至甚

愛閒

今日先生病體輕，愛閒猶有舊心情。帖看貞觀行間印，琴記中郎爨下聲。衣焙溫溫香欲透，雪簷滴滴日初晴。

客來一笑明窗底，枉道爲農事耦耕。

贈道流

煙雲深處作生涯，回首人間歲月賒。
留得朱顏憑綠酒，掃空白髮賴丹砂。
七絃指下泠泠久，雙袖風中獵獵斜。
他日相尋不知處，會從漁父問桃花。

小圃獨酌

少時裘馬競豪華，豈料今爲老圃家。
數點霏微社公雨，兩叢閒淡女郎花。
詩成枕上常難記，酒滿街頭却易賒。
自笑邇來能用短，只將獨醉作生涯。

春晚泛湖歸偶賦

十日雨晴湖水深，暖催新綠上橫林。
分泥海燕穿花徑，帶犢吳牛傍柳陰。
夏近漸低遊舫價，日斜殊費寺樓吟。
歸來支枕還無事，一縷微煙看水沉。

東園小飲

少年萬里走塵埃，歸臥柴荆晝不開。
十事真成九敗意，一春知復幾銜杯。
波清憑檻觀魚樂，風緊鉤簾待燕回。
催喚比隣同晚酌，旋燒筍筍摘青梅。

讀香奩集詩戲効其體

金鋪一閉幾春風，咫尺心知萬里同。
鸞枕何曾禳夢惡，玉壺空解貯啼紅。
畫愁延壽丹青誤，賦欠相如筆墨工。

一事目前差自慰，月明還似未央中。

自笑

三間茅屋寄滄浪，鳥出樊籠馬脫韉。澹澹陂塘秋水滿，陰陰門巷麥風涼。蔬盤旋采溪毛滑，蓬艇新編露箬香。捐盡浮名方自喜，一生枉是伴人忙。

乙夜納涼

幽人新製葛衣成，二寸藤冠覺髮輕。淨掃中庭延月色，緩拖拄杖聽蟬聲。微涼便欲疎絛扇，小醉何妨倒玉巵。八尺風漪真美睡，故應高枕到窗明。

觀畫山水

古北安西志未酬，人間隨處送悠悠。騎驢白帝城邊雨，挂席黃陵廟外秋。大綱截江魚可膾，高樓臨路酒如油。老來無復當年快，聊對丹青作臥遊。

自詠閒適

殘年鄰曲幸相依，真似遼天老鶴歸。荷浦未疎魚正美，鄉俗謂夏秋魚爲荷葉下魚。豆畦欲暗雉初肥，款門路近時看竹。送酒人多不典衣，最喜夕陽閒望處。數家垣屋鎖煙霏。

病足久敗遊山之興，山中道人多見問。戲作示之。病侵腰股作蹢躅，九折途生步武間。東姥自無緣見佛，北公那有力移山。買來芒屨真虛費，扶上籃輿亦漸艱。

李本集
作布

賴有春陵數峰，在虛窗高臥看孱顏。

感事

陋巷何須嘆一瓢，朱門能守亦寥寥。
衲衣先世曾調鼎，野褐家聲本珥貂。
若悟死生均露電，未應富貴勝漁樵。
千年回首俱陳迹，不向杯中何處消。
沈義倫丞相裔孫為僧劉仁瞻侍中，齋孫為道人皆孤身死，紹興中三公之後遂絕。

開東園路北至山脚，因治路傍隙地雜植花草。

魏野林逋久已僊，放翁寄傲鏡湖邊。
松根偃蹇支琴石，巖竇潺湲洗藥泉。
半祿歸空雖在，我殘年健甚豈非天。
遙遙桑苧家風在，重補茶經又一編。

題菴壁

衰髮蕭疎雪滿巾，君恩乞與自由身。
身并猿鶴為三友，一作家託烟波作四隣。
十日風號木成雪，一年梅發又催春。
漁舟底用勤相覓，本避浮名不避人。

寒夜枕上

屋老霜寒睡不成，迢迢漏鼓過三更。
烏啼林外月初上，犬吠水邊船夜行。
市有歌呼知歲樂，亭無枹鼓喜時平。
吾詩欲寫還慵起，臥看殘燈翳復明。

先少師宣和初有贈晁公以道詩云：奴愛才如蕭
穎士，婢知詩似鄭康成。晁公大愛賞，今逸全篇偶。

讀晁公文集泣而足之

仕不逢時勇退耕，閉門自號景迂生。
遠聞佳士輒心許，老見異書猶眼明。
奴愛才如蕭穎士，婢知詩似鄭康成。
早孤遇事偏多感，欲續殘章涕已傾。

春遊

春風堤上草萋萋，草軟沙平護馬蹄。
似蓋微雲纔障日，如絲小雨不成泥。
千秋觀裏逢新燕，九里山前聽午鷄。
追憶舊遊愁滿眼，綵松曾繫畫橋西。

朝飢示子聿

水雲深處小茅茨，雷一作空腸慣忍飢。
外物不移方是學

俗人猶愛未爲詩，生逢昭代雖虛過。
死見先親幸有辭，八十到頭終強項。
欲將衣鉢付吾兒。

自詠

愈老愈知生有涯，此時一念不容差。
身如病鶴長停料，心似山僧已棄家。
高枕時時聞解箨，卷簾片片數飛花。
飯餘解帶摩便腹，自取風爐煮晚茶。

西邨

亂山深處小桃源，往歲求漿憶叩門。
高柳簇橋初轉馬，數家臨水自成邨。
茂林風送幽禽語，壞壁苔侵醉墨痕。
一首清詩記今夕，細雲新月耿黃昏。

書臥初起書事

歲華病思兩侵尋，靜看槐楸轉午陰。
待睡不來聊小憩，燬詩未就且長吟。
還山久洗天涯恨，謝事新諧物外心。
忽有故人分祿米，呼兒先議贖雷琴。

早秋南堂夜興

水注橫塘藻荇香，候虫唧唧滿空廊。
風前落葉紛可掃，天際疎星森有芒。
夜漏漸長愁少睡，秋衣未製怯新涼。
明朝却有欣然處，寫得黃庭又幾行。

秋暑夜興

寂寂空廊絡緯鳴，消搖岸幘近南榮。
明眠簟作波紋冷，

新浴衣如蟬翼輕，微雨已收雲盡散。
衆星俱隱月徐行，呼童持燭開籐紙。
一首清詩取次成。

縱筆

莫笑畸翁迫耄期，從來不許俗人知。
繫船慣聽巴東雨，畫策曾從渭北師。
袖劍客同樓上醉，爛柯人看洞中碁。
如今更欲滄浪去，鯨浪浮天信所之。

建安陳希周官海南，爲予致兩拄杖。
其一促節竹，其一枕椰也。

雨漬嵐侵，蘚暈重石，矚楛矢正相同。
取從萬里鯨波路，來伴三山鶴髮翁。
雪一作雲上有時留醉草花前，隨處打

殘紅化龍徑去，吾何憾且與人間作歲豐。

縱遊歸泊湖橋有作

西蜀東吳到處遊，千巖萬壑獨吾州。短篷載月娥江夜，小蹇尋詩禹寺秋。卮酒可賒常痛飲，野人有興卽相求。何由喚得王摩詰，爲畫湖橋一片愁。

書喜

堪笑龜堂老，更頑天教白髮看。青山家居禹廟蘭亭路，詩在林逋魏野間。略計未嘗三日醒，細推猶得半生閒。今年况展南湖面，朝借樵風暮可還。時方有朝命復鏡湖

寒

夜扣銅壺徹日吟，了無人會此時心。燈殘焰作孤螢小，火冷灰如積雪深。風急江天無過雁，月明庭戶有疎砧。此身畢竟歸何許，但憶藏舟黃蘗林。

正月五日出遊

久作閒人不慣愁，新春天氣更清柔。未爲遠海千年別，且繼斜川五日遊。細柳拂頭穿野徑，落梅黏袖上漁舟。此身定去神仙近，倚遍江南賣酒樓。

雨夜

斷岸輕烟著柳條，孤邨小雨夜蕭蕭。荒雞隔浦聲相續，短燭無風焰自搖。朴學元知糜歲月，殘生竟是老漁樵。

最憐鬢畔千莖雪，日日春風吹不消。

散步湖隄上，時方澹湖水面稍渺瀰矣。

老覺人間萬事輕，不妨閒處得閒行。西山鳥沒暮雲合，南浦隄平春水生。孤操不渝無鶴怨，淡交耐久有鷗盟。先民幸處吾能勝，生長兵間老太平。卻堯夫自謂生于太平，老于太平，為太平之幸，民彼豈知幸哉？若予生于亂離，乃老于太平，真可謂幸矣。

村居書喜

紅橋梅市曉山橫，白塢樊江春水生。花氣襲人知驟暖，鶻聲穿樹喜新晴。坊場酒賤貧猶醉，原野泥深老亦耕。最喜先期官賦足，經年無吏叩柴荆。

舟中作

晤語無人與遣愁，出門聊復弄輕舟。山穿烟雨參差出，水赴陂塘散漫流。隔葉雄雌鳴谷鳥，傍林子母過吳牛。數家清絕如圖畫，炊黍何妨得小留。

村居書事

四十餘年食太倉，賜骸恩許返耕桑。長絲出繭尊羹美，白雪翻匙稻飯香。酒戶知貧焚舊券，醫翁憐病獻新方。春殘睡足東窗下，聞道長安依舊忙。

南堂獨坐

晨坐南堂雙眼明，南山山色滿柴荆。片雲忽過失簾影，

急雨初來聞竹聲，鸚鵡螺深生酒興。蟾蜍滴古助詩情，野人頻約天台去。幾緡青鞋了此行。

新晴賞牡丹

杜門睡榻長蒼苔，滿眼新晴亦樂哉。小市忽逢尊菜出，曲欄初見牡丹開。不嫌雨後泥三尺，且趁春殘醉幾回。自揣明年猶健在，東箱更覓茜金栽。茜金近出牡丹名

示客

一點昏燈兩部蛙，客來相對半甌茶。典衣未贖身饒盡，治米無工飯有沙。每爲采菱浮野艇，時因賣藥宿山家。青鞋到處堪乘興，不獨雲門與若耶。

自嘲

野老家風子未知，天教甫里出孫枝。遍遊竹院尋僧語，時拂楸枰約客棋。是處登臨有風月，平生跋歷半宮祠。卽今箇事渾如昨，喚作朝官却自疑。予仕宦幾五十年矣歷崇道玉局武夷今又忝佑神之命

訪客至北門抵算乃歸

北郭那辭十里遙，上車且用慰無聊。九衢浩浩市聲合，四野酣酣雪意驕。清鏡新磨臨綠浦，長虹橫絕度朱橋。歸來熟睡明方起，臥聽鄰牆趁早朝。

直舍獨坐思成都

錦城花絮送吳船，屈指東歸又幾年。羣玉峯頭身老矣，
百花潭上夢依然。青衫尚記稱狂客，白髮寧知作老仙。
所恨酒腸非復昔，閒遊空負杖頭錢。

孤坐無聊每思江湖之適

世上元無第一籌，此身只合臥滄洲。鰲搖漁浦蒼茫月，
帆帶松江浩蕩秋。有酒人家皆可醉，無僧山寺亦閒遊。
老來閱盡榮枯事，萬變惟應一笑酬。

立春後十二日命駕至郊外戲書觸目

丹成不服怕升天，豈料乘風到日邊。九陌樓臺生細霧，
萬家弦管送流年。香車寶馬沿湖路，繡幙金轡出郭船。

折簡亦思招客醉，不堪春困又成眠。

後寓嘆

貂蟬未必出兜鍪，要是蒼鷹憶下鞲。彭澤往歸端爲酒，
輕車已老豈須侯。千年精衛心平海，三日於菟氣食牛。
會與高人期物外，摩挲銅狄灞城秋。

嘆老

晨起梳頭滿鏡霜，豈堪著脚少年場。酒徒分散情疎索，
碁敵憑陵意頓頹。寓世極知均醉夢，餘生只合老畊桑。
石帆山下蓴絲長，待我還東泊野航。

與兒輩泛舟遊西湖一日間晴陰屢易

逢著園林卽歎屏酌泉鸞笥欲忘歸楊花正與人爭路
鳩語還催雨點衣古寺題名那復在後生識面自應稀
傷心六十餘年事雙楹依然在翠微

初歸雜咏

小園五畝翦蓬蒿便覺人間迹可逃盡疏珍禽添爾雅
更書香草續離騷藥苗可斲攜長鏡黍酒新成壓小槽
老入鷓行方徹悟一官何處不徒勞

憶昔

憶昔西遊兩鬢青卽今鏡裏雪千莖蛾眉風月猶關念
濯錦鸞花已隔生避暑有時移枕簟畏入終日閉柴荆

此懷恨欠詩千首且寄秋泉一再行

村居

青藜杖出氛埃外白板扉開水竹邊造物與閒仍與健
鄉人知老不知年齋居每袖持螯手妄想寧流見麴涎
昨夜小庭風露冷菊花消息已先傳

子聿至湖上待其歸

舍北大吠迎歸航老翁待兒據胡牀碧雲忽起欲吞日
黃葉自凋非實霜十風五雨歲則熟左殮右粥身其康
豈無深谷結茅屋父子讀易消年光

醉題

日本集
作目是

日光炯炯射車牛，何至隨人作浪愁。身處江湖如富貴，
心親魚鳥等朋儔。孤帆滅沒三湘曉，野店荒寒二華秋。
醉墨不容塵土污，憑君試訪寺家樓。

幽居述事

曾會蘭亭醉墮簪，後身依舊住山陰。琴傳數世淩文斷，
鶴養多年丹頂深。滌硯無清墨吹簫，月下遺音
小詩戲述幽居事後有高人識此心。

道室雜咏

烏化雙鳧杖化龍，雲山回首不知重。藥園夜嘯丹臺月，
酒市秋聽紫閣鐘。豈但烟霄隨步武，故應冰雪換形容。

小童開戶驚奇事，野鷓來巢砌下松。

莫怪先生閱事多，人間何處不經過。天山八月霜枯草，
賜谷三更日浴波。酒熟春風歸掌握，丹成神物共誰何。
散人本帶江湖號，四百年來一釣蓑。

初春書懷

耄及光陰占更稀，自今唯有數期頤。食觀本草雖多事，
醉讀離騷自一奇。物外有人閒始見，山中可樂老方知。
武陵好在桃千樹，短檝相尋亦未遲。

山行贈野叟

莫笑孤邨生理微，茅茨烟火自相依。客來旋掃青苔榻，

日在先關白版扉，婦女憂蠶租葉去。兒童耘麥荷鋤歸，散人世襲江湖號。剩欲溪頭借釣磯。

東窗遣興

東窗徙倚當閒遊，水長池魚自滿溝。花氣襲人渾欲醉，鳥聲喚客又成愁。百年光景輸欹枕，萬里風烟入倚樓。欲寫烏絲還嬾去，詩名老去判悠悠。

復雨

催喚兒童掃綠苔，長歌清嘯興悠哉。林間子墮知梅熟，水面痕生驗雨來。往事已成孤枕夢，故人誰共一樽開。自憐未負年華在，在素扇團團月樣裁。

村社禱晴有應

叢祠牲酒走邨邨，賴是龍歸爲解紛。爽氣收回騎月雨，

俗謂二十四五間有雨往快風散盡滿天雲，數峯縹緲

如屏面，一浦漣漪作簟紋。猶勝楚人簫鼓裏，九歌哀怨

下湘君。

邨居遣興

萬里征途興已闌，三間破屋住猶寬。山薑著雨房重斂，南燭先霜實半丹。野市秋陰更蕭瑟，書生老瘦轉酸寒。掩關也有消愁處，一卷騷經醉後看。

晚秋野興

病骨支離不耐秋，今年九月卽輕裘。
細書燈下幸能讀，舊友夢中時與遊。
連夕夢紹興官賦畢，輸無吠犬農功間同朝諸公。
已息有閒牛不知，冠蓋朝天客也得心安。
似我不

出遊

山有籃輿步有舟，放翁身健得閒遊。
羊牛點點日將夕，蒲柳蕭蕭天正秋。
細徑僧歸雲外寺，疎燈人語酒家樓。
歸途更愛湖橋月，獨倚闌干爲小留。

初寒示隣曲

村北村南數十家，陂池重複谷谿斜。
荻叢缺處見漁火，蓬戶閉時聞紡車。
淺瀨水清雙立鷺，橫林葉盡萬棲鴉。

是中佳興無窮極，懶著青鞵上若耶。

行飯募歸

斲置觀書不耐閒，飄然梅塢竹籬間。
霜風盡脫千林葉，雲氣平沉一面山。
笑喚筇枝扶蹇步，聊憑邨酒借朱顏。
廟堦牆下歸來晚，宿鳥紛紛已漸還。

題旅舍壁

老子殘年未易量，出門隨處得彷徨。
窗櫺日淡僧房暖，竈突烟青旅餽香。
濁酒可求敲野店，舊題猶在拂頰牆。
閒來又取丹經讀，夜就松明解布囊。

春雨

倚闌正是受斜陽，細雨霏霏渡野塘。本爲柳枝留淺色，却教梅蕊洗幽香。小霑蝶粉初何惜，暫避鶯聲亦未妨。造物無心寧徧物，憑誰閒與問東皇。

草堂

幸有湖邊舊草堂，敢煩地主築林塘。辛幼安每欲爲築舍予辭之遂止

澆殘醅瓮葛巾漉，插遍野梅紗帽香。風緊病身那可敵，春閒晝漏不勝長。浩歌陌上君無怪，世譜推原自楚狂。

病身本
兼作春
寒
春本集
作身

陸氏舊譜云
本出接輿後

年光

無賴年光逐水流，人間隨處送悠悠。千帆落浦湘天晚，

孤笛吟風鄴縣秋。小市鶯花時痛飲，故宮禾黍亦閒愁。久留只恐驚凡目，又向西涼上酒樓。

初夏閒步邨落間

薄雲韜日不成晴，野水通池漸欲平。綠葉忽低知鳥立，青萍微動覺魚行。醉遊放蕩初何適，睡起逍遙未易名。忽遇湖邊隱君子，相攜一笑慰餘生。

命駕

命駕清晨出射堂，箬枝羽扇受微涼。鷓鴣將數子窺苔井，桐引新枝出粉牆。岸幘影邊茶正熟，投壺聲裏日初長。興闌却蹋湖隄去，十里山花滿袖香。

仲夏風雨不已

南陌東阡自在身，一年節物幾番新。
鱗魚出後鶯花鬧，梅子熟時風雨頻。
冠蓋敢同修禊客，桑麻不減避秦人。
夕陽更有蕭然處，照影清溪整葛巾。

漁父

食箪雖薄尚羹藜，且喜今朝酒價低。
一櫂每隨湖上下，數家相望埭東西。
團團箬笠偏宜雨，策策芒鞋不怕泥。
應笑漆園多事在，本來無物更誰齊。

秋望

千里郊原俯莽蒼，三江烟水接微茫。
橫林蟲鏤無全葉，

新雁風驚有斷行，神禹祠庭遺劍珮。
先秦金石古文章，一尊莫恨盤飧薄。
終勝登樓憶故鄉。

夢行益昌道中有賦

朱棧青林小益西，早行遙聽隔郵雞。
龍門閣畔千尋壁，江月亭前十里堤。
酒舍胡姬歌折柳，江津洮馬惜障泥。
倦遊重到曾來處，自拂流塵覓舊題。

懷舊

身是人間一斷蓬，半生南北任秋風。
琴書昔作江湖客，簑笠今成澤畔翁。
夢破江亭山驛外，詩成燈影雨聲中。
不須強覓前人比，道似香山實不同。

江湖本
無作天

晨起

晨起梳頭雪滿膺，可憐衰與病相乘。浮名何足欺橫目，
真樂聊須付曲肱。仕有俸錢渠亦好，退無耕壟我何憑。
具牛力盡殊堪閔，買犢東村恨未能。

道院雜興

江上霜風吹角巾，東歸不獨爲吳尊。掃除長劔華纓夢，
收拾孤颿短棹身。勾漏丹砂開竈晚，商顏芝草滿山春。
東封敢擬迎鑾仗，且作行歌陌上人。
征途暗盡舊貂裘，歸臥林間喜自由。體倦尚憑書引睡，
心安不假酒攻愁。丹爐弄火經年熟，竹院聽琴竟日留。

今日理髯還一笑，白間時有黑絲抽。

早歲知聞久已空，歸然猶有灞城翁。東樓誰記傾春碧，

敘州益占戎州也。有東樓。賦。本名重碧。范至能易爲春碧。北嶺空思擘晚紅。北嶺在福

州。予少時與友人朱景參會嶺下。僧舍時秋晚。荔子獨晚紅在。冉冉流年霜鬢外，纒纒

荒塚綠蕪中。琳房何日金丹熟，老鶴猶堪萬里風。

龜堂有叟富神通，白髮何妨兩頰紅。先取山川來掌上，

却移天地入壺中。鶯花不老非塵世，風月常新奪化工。

近作東籬君未見，一尊少住莫怱怱。

戲遣老懷

舊襲家風號散人，晚承恩詔賜閒身。放狂泥酒都忘老，

厚價收書不似貧霜曉方驚羣木脫春晴又喜一花新
先生偶出人難遇陌上爭先看角巾

東籬

東偏隙地作疎籬遇興無非一笑時陪客投壺新罰酒
與兒鬪草又論詩山桃溪杏栽俱活藥鏡漁竿動自隨
家事猶令罷關白固應黜陟不曾知

村夜

入春雨雪無休日雨止猶陰未快晴萬竅怒號風不定
半輪斜照月微明百年辛苦農桑業五處睽離父子情
但得平安已爲幸孤燈殘火過三更

時子虞調官行在子龍阻風西陵子

修在閩子坦在海昌予與子布子通守舍

春日雜賦

人生覓飯元多術最下人爲祿代耕脫却朝衫猶老健
快如苦雨得春晴鳥聲頻喚五更夢花氣頓醒三日醒
最喜晨興聞剝啄吾兒書札到柴荆

初夏出遊

泥鞦襪鞋雨墊巾閒遊又送一年春長歌聊對聖賢酒
羸病極知朝暮人廢堞荒郊閒弔古朱櫻青杏正嘗新
桃源自愛山川美未必當時是避秦

初夏幽居

日長巷陌晒絲香，雨霽郊原割麥忙。
小擔過門嘗冷粉，微風解籜看新篁。
傍籬隣婦收魚笱，叩戶鄰醫送藥方。
欲到湖邊還嬾動，悠然扶杖立斜陽。
虛堂一幅接離巾，竹樹森疎夏令新。
瓶竭重招麴道士，床空新聘竹夫人。
寒龜不食猶能壽，弊帚何施亦自珍。
枕簟北窗寧有厭，小山終日對嶙峋。

林間書意

三三兩兩巾船回，水際柴門尚未開。
垂綠箬梢風正惡，弄黃梅子雨初來。
紅螺盃小傾花露，紫玉池深貯麝煤。
領取林間閒富貴，向來誤計伴鄒枚。

夏末野興

半世天涯倦遠遊，還鄉不減旅人愁。
數聲相應鳩呼雨，一片初飛葉報秋。
山鳩風烟僧院路，河梁燈火酒家樓。
絕知雪鬢宜蓑笠，分付貂蟬與黑頭。

池上

旋移吟榻竝池橫，欲出柴門復嬾行。
樹罅忽明知月上，竹梢微動覺風生。
貧無醉日惟堅忍，疾遇涼秋亦漸平。
二尺燈檠元好在，便思相伴聽蛩聲。

識喜

本自怕沾京洛塵，固應不吐相君茵。
偶逃鼉作鯨吞地，

幸保詩狂酒病身，傲世曾歌楚人鳳。著書久絕魯郊麟，山村且試筇枝典。風月秋來正一新。

曉寒

悠悠殘夢伴殘更，萬木風號曉氣清。雞唱欲闌聞井汲，月痕漸淺覺窗明。突烟騰碧炊初動，衣焙推紅火已生。小閣翻書裘褐暖，早朝霜滑媿公卿。

贈道流

羽人邂逅飲旗亭，自說經年醉不醒。曾伴翰林遊赤壁，仍邀內史寫黃庭。古琴蛇蚶評無價，寶劍魚腸託有靈。太華何時尋此約，九霄風露宿青冥。

閣本集
作閣

禹祠

祠宇嵯峨接寶坊，扁舟又繫畫橋傍。波添滿筋尊綠紫，蜜漬堆盤粉餌香。團扇賣時春漸晚，夾衣換後日初長。故人零落今何在，空弔頽垣墨數行。

小市

春風小市畫橋橫，橋北橋南次第行。絕景惟詩號勅敵，閒愁賴酒作長城。樓臺到處靈和柳，簾幙誰家子晉笙。薄暮歸來漁火鬧，放翁自笑欲忘情。

小園花盛開

厭住愁城徒醉鄉，春風也肯到山房。鴨頭綠漲池平岸，

猩血紅深杏出牆，淡薄相遭心已懶。修行無力夢猶狂，更嗟著句多塵思。慚愧溪藤似截肪。

春陰溪上小軒作

午醉初醒倚釣軒，悠然無與共清言。風微僅足吹花片，雨細纔能見水痕。杳杳暝鐘浮遠浦，離離烟樹識孤村。故人萬里岷山下，安得書來慰斷魂。

此遣書問張季長消息於都下未裁

自九里平水至雲門陶山歷龍瑞禹祠而歸凡四

日

我來恰值暮春初，晝漏微長小雨餘。苔蝕秦碑亡舊刻，龍歸禹穴護遺書。燕巢已壘泥猶濕，花片雖殘葉尚疎。

到處不妨俱可樂，詩人爲底愛吾廬。

頴士曾與宗字光祖以其居貧簞谷圖來求詩

高人心虛萬物宗，家世常以仕易農。買山本愛坡上竹，手種已偃巖前松。瀑泉三伏凜冰雪，谷聲十里酣笙鏞。了知自是一丘壑，不與金精爲附庸。

地與金精山青牛峽爲隣

南堂晨坐

鏡湖清絕似瀟湘，晨起焚香坐草堂。日暖遊絲垂百尺，花殘新蜜釀千房。綠桑糝箔開蠶食，白水翻車浸稻秧。莫道村翁殺風景，也能沽酒會年光。

戲書燕几

平生萬事付天公，白首山林不厭窮。
一枕鳥聲殘夢裡，半窗花影獨吟中。
柴荆日晚猶深閉，烟火年來只僅通。
水品茶經常在手，前身疑是竟陵翁。

秋晴

身健心閒百慮輕，秋晴未必減春晴。
晨窗暖日烘花氣，午枕微風送鳥聲。
韞玉硯凹宜墨色，冷金牋滑助詩情。
少年風味嗟猶在，虛道歸休學力耕。

閒遊所至少留得長句

畫橈艇子短蘆歌，野店山郵每小留。
瓜蔓水生初抹岸，梅黃雨細欲遮樓。
遼東邂逅從歸鶴，海上逢迎得狎鷗。

豈是人閒偏好異，算年難復作沉浮。
高僧宴坐雪蒙頭，閒牧從來水牯牛。
深院陰陰四簷雨，高堂寂寂一簾秋。
光明本自無餘欠，夢幻何曾有去留。
我亦翛然五湖客，不妨相與試茶甌。

野寺

僧壁題名半闕訛，重來歎息屢摩挲。
林蟬欲斷算復急，竹露如傾秋更多。
半俸漸償賒酒券，故衫已換釣魚蓑。
西窗一看拈棋罷，歸去還憂爛斧柯。

北窗

半世蟬嘶坐北牕，蒼年依舊守殘缸。
買書安得黃金百，

粘本集
作枯

覓句如求白壁雙，老氣尚思吞夢澤。壯遊曾足釣巴江，
寒生事業秋毫盡。筆力終慙鼎可扛。

書空壁

烟水雲山千萬重，散人名號繼吾宗。買雛就養冲霄鶴，
拾子栽成偃蓋松。父老年年同社酒，兒孫世世作春農。
晚窗睡覺添幽事，臥聽蘭亭古寺鐘。

雪意

風吼江郊雪意濃，雲如雨陣決雌雄。山寒酒過平時量，
窗黑書虧半日功。閒話更端茶竈熟，清詩分韻地爐紅。
不須遽覓華胥路，更俟天花落坐中。

就養本
集作養
就是

雨本集
作雨

累日濃雲作雪不成遂有春意

釀雪經旬竟不成，一霜却作十分晴。雲歸岫穴千峰立，
暝入郊原萬耦耕。菖葉離離豐歲候，梅花眷眷故人情。
道傍孤店新醅熟，已有幽禽一兩聲。

春晴

雨斷雲歸兩作晴，夕陽鼓角動高城。客愁正得酒排去，
草色直疑烟染成。鸞爲風和初命友，鷗緣水長欲尋盟。
不須苦問春深淺，陌上吹簫已賣餳。

日暮自大滙邨歸

筍輿伊軋暮山昏，水敗陂塘路僅存。出谷鐘聲知過寺，

隔林人語喜逢邨廟堞荒寂新犁地堤草凄迷舊燒痕
兒子念翁霜露冷遙持炬火出柴門

春晴登小臺

不管筇枝破綠苔閒穿萬竹上荒臺幽花經雨自開落
啼鳥喜晴時去來河岸家家裝彩舫兒曹處處唱青梅
誰家老子痴頑甚看改新元十一回

初夏雜興

自斷殘年莫問天吾儕何處不隨緣家貧却得身差健
夜短何妨晝熟眠未歷名山采靈藥且從同社樂豐年
賣絲糶麥債逋負猶有餘錢買釣船

家本集
作知

有酒本
康作酒
美

占得溪山十數椽飽經世故氣猶全入門明月真堪友
滿榻清風不用錢便死也勝千百輩少留更過二三年
湖橋有酒能來醉一棹何妨作水仙

書村店壁

裹茶來就店家煎手解驢鞍古柳邊寺閣重重出山崦
漁舟兩兩破溪烟近秋漸動尋幽興絕俸難營覓醉錢
到處不妨閒著句他年好事或能傳

秋夜坐中

木落烟深江上邨算秋蕭瑟不堪論雁如著意頻驚枕

月似知愁，故人門營道，數峰新石友。近得道石數峯，廣陵一曲。
古桐孫亦知長物，終安取聊與兒曹洗睡昏。

冬日排悶

老欲躬畊力弗強，但應賣藥似韓康。陳編時見古成敗，
舊友不知今在亡。已返山林遺世事，尚憑詩酒答年光。
此身自笑如稊米，加損寧能繫太倉。

寒夜偶懷壯遊書感

疇昔西遊萬里還，狂吟散落滿人間。買空綠水橋邊酒，
看徧青城縣裏山。梅蕊疎疎春欲動，川雲漠漠雪猶慳。
偶思五十年來事，顧影燈前自笑頑。

夢中作
久向人間隱姓名，看花幾到武昌城。一壺春色常供醉，
萬里烟波懶問程。斜日挂帆堤外影，便風擊鼓驛前聲。
丈夫入手皆勛業，廊廟江湖未易評。

夜雨
正看飛雪暗江天，不覺新春已粲然。花氣襲人誤獨夜，
雨聲遶舍送豐年。樵風未改山川舊，禊事空悲歲月遷。
一榼可營身尚健，故應先治下湖船。

莫春龜堂卽事

風日初和晝漏長，蕭然巾履集茆堂。雨餘千疊暮山綠，

花落一溪春水香，斷簡橫中塵委積。故人墓上草荒涼，爾來幸有寬懷處。病退床頭減藥囊。

殘年

殘年光景易駸駸，屏迹江村不厭深。新麥熟時蠶上簇，晚鷲啼處柳成陰。短檠已負觀書眼，孤劍空懷許國心。惟有雲山差可樂，杖藜誰與伴幽尋。

思子虞

里嶠迢迢阻問津，年光冉冉苦催人。未能免俗予嗟老，豈不懷歸汝念親。家釀湖莼誰共醉，江雲淮月又經春。新詩題罷無從寄，獨倚危闌一愴神。

山行

閒人日日得閒行，况值今朝小雨晴。水淺遊魚渾可數，山深藥艸半無名。臨溪旋喚罾船渡，過寺初聞浴鼓聲。小醉未應風味減，滿盤青杏伴朱櫻。

舟中有賦

一枝柔艸聽咿啞，炊稻來依野老家。山寺日中鼙鼓動，江樓風急酒旗斜。綠梢嫋嫋搖新竹，翠蔓離離熟早瓜。閒客去留隨所遇，不知何處送棲鴉。

獨至遯菴避暑菴在大竹林中

赤日黃塵厭垢紛，竹林深處寄幽欣。如聽嵩雒風前笛，

似看瀟湘雨後雲，園鹿知時新解角。池魚得意自成羣，悠然一笑誰能識。坐勝天魔百萬軍。

門外追涼

羽扇綸巾一味涼，曠懷非醉亦非狂。橫林點點暮鴉集，平壟離離新稻香。山月出時閒弄影，水風清處旋移床。學仙到此無餘說，更覺金丹墮糝糠。

夏夜泛溪至南庄復回湖桑歸

不求奇骨可封侯，但喜枯腸不貯愁。數點殘燈沽酒市，一聲柔艣採菱舟。元知澤國偏宜夜，已就天公探借秋。歸過三更風露重，紗巾剩覺髮飈飈。

占驛

古驛橋邊艇子橫，每因羈旅愜幽情。窗間月落無花影，枕上潮來有鶻聲。舊友凋零歸夢想，新詩邂逅得天成。今朝有喜君知否，秋雨晴時小疾平。

反遠遊

賣却貂裘買釣舟，久將身世付悠悠。行歌西郭紅橋路，爛醉東關白埭秋。皆山陰近郊地名夜泊驛亭觀月上，曉登僧閣聽猿愁。一生身屬官倉米，剩喜殘年得自由。

梅市

小雨長堤古寺西，不容羸馬惜障泥。時平道路鈴聲少

歲樂坊場酒價低，烟樹淺深山驛近。野歌斷續客魂迷，
殘軀不料重來此。一首清詩手自題。

九月二十五日雞鳴前起待旦

堪笑枯腸漸畏茶，夜闌坐起聽城笳。爐溫自撥深培火，
燈暗猶垂半結花。斷夢不妨尋枕上，孤愁還似客天涯。
掃塵拾得殘詩藁，滿紙風鴉字半斜。

江邨

江邨連夜有飛霜，柿正丹時橘半黃。轉枕却尋驚斷夢，
撥爐偶見爇殘香。醫無絕藝空三易，死與浮生已兩忘。
拈得一書還嬾看，臥聽孫子誦琅琅。

初冬

落葉紛紛十月時，今年霜比去年遲。山猿引子飲幽澗，
野鵲結巢爭墮枝。嶺北片雲生峭絕，橋東殘水漾淪漪。
病衰自怪詩情盡，造物撩人乃爾奇。

山墅

烟水烟林老結廬，人間用短更誰如。輭蒲穩背供危坐，
小幟障燈便細書。莫欺衰病歸山墅，曾領諸儒上石渠。
貞觀開元嗟已遠，爲君試說紹興初。

Blank manuscript page with vertical columns.

